

The Electronic Manipulus florum  
www.manipulusflorum.com

Prelacio bq  
cum fonte primo

Non qui maior fuerit in honore  
ille iustior, sed qui iustior fuerit ille  
est maior. Conuersacio ergo melior est  
desideranda, non dignior gradus.

Crisostomus omelia XXV. super  
Mattheum.

Quicumque ergo desiderat primatum  
caelestem, sequatur humilitatem  
terrestrem: quicumque autem desiderat  
primatum in terra, inueniet confusionem  
in caelo: ut jam inter seruos Christi non  
sit de primatu certamen, nec festinet  
unusquisque eorum, quomodo aliis  
major appareat, sed quomodo omnibus  
inferior videatur: quoniam  
non qui maior fuerit in honore,  
ille est iustior, sed qui iustior fuerit, ille  
est maior. Conuersatio ergo melior est  
desideranda, non dignior gradus.

Pseudo-Chrysostomus, *Opus*  
*imperfectum in Matthaem*, 35 (PG 56,  
col.830).